

四庫全書

子部

欽定四庫全書

唐開元占經卷六十八

唐 瞿曇悉達 撰

石氏外官

庫樓占一

石氏曰庫樓十星五柱十五星衡四星凡二十九星左

角南

西北星入軫少去極百四十度在黃道外二十一度太庫樓一曰天庫兵車之府也其大六星庫也

西四星樓也旁十五星三三而聚者柱也中央小星衡也

巫咸曰天庫金官也

春秋元命苞曰天庫主陳兵 黃帝占曰五車外庫者  
芒角明大星多蕃衆則兵大起車騎多用庫樓所指者  
兵所指者兵所往人能知庫樓者使人不忘 洛書曰  
庫樓兵動害及胡 一曰戎馬驚 洛書曰庫無星下土  
臣逆謀兵乃生 春秋緯曰天庫虛諸侯謀反 一曰中  
州謀兵四合 春秋考異郵曰王者謀伐四夷則庫兵動  
又占曰庫樓五柱皆動五將盡行五柱生角若芒多  
衆及具無處車馬 石氏曰庫樓及五柱皆不見兵車

盡出天子自將兵 焦延壽曰天樓星上近柱王者樓殿有飛不知其處若有天火燒之者 郁萌曰天庫主遠兵星搖者其將行星皆動將盡行 郁萌曰天庫星衆則藏善散若皆去則兵起 石氏讚曰庫樓之官兵所藏其中欲實惡虛空

南門星占二

石氏曰南門二星在庫樓南右星入軫十四度去極百三十度在黃道外二十一度 太  
春秋緯曰角南兩大星曰南門南門天之外門也 黃帝

占曰南門星欲明執法吉人主昌吉星若不明非其故  
則臣不忠若有兵起王者憂 石氏曰南門中有小星  
三芒者則兵車出 石氏讚曰南門二星主守兵

平星占三

石氏曰平星二星在庫樓北西星入軫十四度去極百度在黃道外十一度太也

春秋合誠圖曰平星主廷平 論識曰平星主法

黃帝占曰平星欲其明而正直大小齊同而明君臣和  
政令行其星不明差戾不正君臣不和政法荒亂 石

氏曰平星欲齊等廣狹有常高下不差則天下治萬物

成 石氏讚曰平星執法正紀綱其星差戾政亂荒

郗萌曰平星主天下之獄事若今廷尉之象

### 騎官星占四

石氏曰騎官二十七星在垣南

西行北星入亢四度太  
去極百一十五度半在

黃道外十九度半也

石氏曰騎官一名輕能星衆天下安星少

騎士畔

騎官者今虎賁也

石氏曰房南衆星曰騎官將軍騎

官主宿衛一曰騎官金官也

黃帝占曰騎官者宿衛

帝宮以防不虞其星常衆而明王者後宮吉天下安其  
星微少若芒不見守衛憂兵大起騎乘出 荆州占曰  
騎官星衆則騎出一曰星無故皆去則騎官東守衛王

積卒星占五

石氏曰積卒十二星在房心南

西星入氐十三度太去極百二十四度少在黃道外二十一度少也

石氏曰積卒一名衛士芒角動聚兵事一

曰積卒兵官金官也 郝萌曰積卒者士也積士也者

所以衛卒暴 巫咸曰積卒兵官金官也 黃帝占曰

積卒主守衛明堂其星欲微小而明則天子吉其國安  
昌若明大動搖則君臣不寧朝廷有兵一曰積卒主守  
衛 春秋合誠圖曰積卒主衛尉 石氏曰積卒一星  
亡兵少半出二星亡兵大半出三星亡兵盡出 海中  
占曰積卒不如其故兵其微細若不見兵車盡出土卒  
滿野 石氏讚曰積卒十二星掃明堂

龜星占六

石氏曰龜五星在尾南

頭星入尾十二度去極百三十一度在黃道外二十一度

黃帝占曰龜星一名連珠讚神明其星明則君臣和好  
奉祀神明岳瀆其星不明則上下乖離臣逆於君不事  
鬼神其國不安主有憂 黃帝占曰龜星不居漢中川  
有易者 石氏曰龜星常居漢中吉星明君臣和不明  
即乖 又占曰龜星常居漢中則陰陽和雨澤時星若  
不居漢中有易水一曰天下水旱物不成 石氏讚曰  
龜星在東讚神明

傳說星占七

石氏曰傳說一星在尾後

入尾十二度太去極百二十度半在黃道外十三度太

黃帝占曰傳說星主後宮祈神明保子孫文章祝說

以求福慶其星明則後宮吉子孫昌其星不明或若不見則后宮人多疾子孫凶多有死者

春秋元命苞曰

傳說主祝章巫官也章請號之聲也 傳說蓋女巫也

主王后之內祭祀以祈子孫廣求胤嗣 石氏曰傳說

星亡社稷無主 石氏曰傳說星明大則吉不明者天

下多禱祠 焦延壽曰傳說星入尾天下有祝詛人主

者若有巫醫之害以入日占國 鄭萌曰傳說星光明  
王命興輔佐出 荆州占曰傳說星明大王者多子孫  
一曰傳說主祝章

魚星占八

石氏曰魚一星在尾後河中

入尾十四度去極百二十度在黃道外十二度也

黃帝占曰魚星一名據星一名蒙星忽然不明而在  
則魚多星亡則魚少 黃帝占曰魚星主雲旗其星忽  
然不明如雲常居漢中微而不明則陰陽和風雨時其

星明而動搖則陰陽不調雨澤不時有大水 春秋元  
命苞曰魚星主雲旗統陰事調和雲雨之期 黃帝占  
曰魚星常居河旁中河而處則兵起期七月常在河東  
近箕 石氏曰魚星大而明則陰陽和 又曰魚星動  
搖則水暴出 又曰魚星出河大魚死一曰旱 海中  
占曰魚星中河而居而明大天下大水津道塞若微小  
出河中外天下大旱五穀不成 焦延壽曰魚星明  
則河海水皆出 班固五行志曰魚星中河而處車騎

滿野 石氏讚曰漢中魚星知雲行

杵星占九

石氏曰杵三星在箕南

北星入箕一度太半在黃道外二十一度太

巫咸曰杵臼土官也

黃帝占曰杵星明而動天下

有兵杵臼用事軍糧急其星微小天下安寧而無兵

石氏曰天杵臼動則民失其釜甌大去其鄉杵縱則民

足食橫則民饑 石氏曰天杵臼星不具民賣釜甌

甘氏曰杵臼星明則天下安五穀成杵臼用其年豐星

若不明歲大惡五穀不成杵臼不用一曰杵在箕南給庖春

鼈星占十

石氏曰鼈十四星在南斗

右星入南斗一度去極百二十九度半在黃道外十四度

也黃帝占曰鼈星常居漢中微而不明則天下和雨

澤時其星若不居漢中則陰陽不和天下旱石氏曰

鼈一星去有白衣之會二星去有大喪以去日占國

班固天文志曰鼈星不居漢中有易川者石氏讚曰

鼈星為水蟲太陰也

九坎星占十一

石氏曰九坎九星在牽牛南

西南星入斗十四度半去極百三十六度在黃道外

十九度太巫咸曰九坎水官也

荊州占曰九坎九星主

水旱之事 黃帝占曰九坎主通水泉星明則陰陽調

和百川通流皆注於海星若不明百泉不通河海枯竭

天下大旱人民饑饉國有憂 石氏曰微吉明不吉

石氏讚曰九坎九星水泉通

敗臼星占十二

石氏曰敗臼四星在虛危南

西南星入湏女十度去極百三十一度少在黃道十

九度 荆州占曰敗臼四星主正治之事 黃帝占曰敗

臼主殃凶其星微而不明溫溫然則主者吉人民安星明而動搖者人主有憂疾多灾凶人民愁苦天下不安多死喪 石氏曰敗臼一星不具民賣釜甌去其處一曰敗臼四星主凶災

羽林星占十三

石氏曰羽林四十五星壘壁陣十二星凡五十七星在營室南四星入危四度太去極百二十度太在黃道外十三度太也 郁萌曰羽林

一名材官一名天南庫一名單于軍又主翼王春秋

合誠圖曰危南有衆星曰羽林為天軍又羽林軍水官

也 元命苞曰羽林主軍騎 黃帝占曰羽林星三三

而居行列相隨守衛之官也其星實而衆明王者吉其

國安星希而不明若動兵士出星若亡不見天下兵盡

出 郁萌曰羽林星不欲動動即有兵不出六十日兵

車發有所之而起又曰不出三十日有兵 又曰羽林  
中無星天下兵盡出一曰大將軍發若大赦 春秋元  
命荀曰壘城在軍位 鄒萌曰壘城鉞主斬矛 又曰  
陣星備武急非其故兵起有破軍殺將 石氏讚曰羽  
林衆星主翼王 石氏讚曰壘壁陣十二星為營壅

北落星占十四

石氏曰北落一星在羽林西南入危九度去極百三十度太在黃道外二十三半度 鄒萌曰羽林西南有大赤星狀如大角天軍之門

也名曰北落一名師門

北者宿在北也落者天軍之北落也師者衆也門者軍門也

春秋合誠圖曰北落主非常

黃帝占曰北落師門

星明大士卒昌大將軍強星微小若亡不見天下兵大

將出行其國不寧主有憂春秋元命苞曰北落角者

兵起文曜鈞曰北落亡角有軍石氏讚曰北落師

門一星主候兵

土司空星占十五

石氏曰土司空一星在奎南

入壁七度太去極百二十度少在黃道外二十四度

少也 春秋合誠圖曰司空主土城 石氏曰土司空星  
大天下安又曰色黃明則吉一曰知禍殃 黃帝占曰  
土司空星明而黃潤則天下安吉王者吉其星不明若  
亡不見其國有喪若土功之事若有旱灾

天倉星占十六

石氏曰天倉六星在婁南南星入奎四度太去極百二十度在黃道外十八度

郗萌曰天倉者天司農也 黃帝占曰天倉主倉府之  
藏也天倉中星衆穀粟聚其中積儲實其中星希少倉

中虛耗無儲積粟散出 石氏曰天倉戶開則歲  
大熟粟聚倉戶閉歲穀不登天下民飢 黃帝占  
曰天下有兵而倉庫之戶俱開主人勝客客事不  
成期二十日發 石氏曰天倉中星小衆盛則粟  
聚歲實星希歲耗穀散倉則天下亂若大飢 郁  
萌曰天倉星不具道不通 黃帝占曰天倉不見  
其所臨軍分絕倉大窮而亡 石氏讚曰天倉六  
星

天困星占十七

石氏曰天困十三星在胃南

東北入胃六度少去極十六度半在黃道外十四度

少度黃帝占曰天困主御糧百庫之藏也

在野曰困在邑曰倉一曰

圓曰困方曰倉困星欲明其中星衆百庫之藏實滿其星不明困中星簡庫藏空虛若多散出天下不安其國有憂

石

氏曰天困星明則吉微則凶 郁萌曰天困見即天下

困倉實不見即皆虛 石氏曰天困十三星給銜糧者

也

天廩星占十八

石氏曰天廩四星在昴南

南星入胃十一度少去極  
九度在黃道外九度太

春秋合誠圖曰天廩主廩倉巫咸曰天廩一名天膚

主廩藏會計之事其星齊明則年豐國饒人民安王者

吉其星小而不明歲惡藏虛人民饑一曰臣受君祿

黃帝占曰天廩星欲其明而盈實則歲熟多粟星黑而

希則歲敗腐矣

天苑星占十九

石氏曰天苑十六星在昴畢南東北星入畢二度太去極百一十四度在黃道

外四十度少

巫咸曰天苑金官也 郁萌曰天苑天子之

苑也

石氏曰天苑天囷也主馬牛羊非其故若星不

具有斬死吏

黃帝占曰天苑主苑牧犧牲牛羊之屬

其星行列齊明苑中星衆則畜牲蕃息多饒野獸其星

微小不明若不見苑中星希敗畜牧不孳牛羊野多死

郁萌曰天苑星非其故若不具有斬刈之事 石氏

讚曰天苑十六星主牛羊

參旗星占二十

石氏曰參旗九星在參西一名天弓

南星入畢九度半去極九十三度在

黃道外十  
三度半也

郗萌曰天弓九星不具天下大赦為兵赦

非無故自赦也一名參旗一曰天府 春秋緯曰參旗

在參西勾曲九星三處一曰天旗二曰天苑三曰九游

以宣威明開緒 巫咸曰天弓金官也 春秋緯曰天

旗司五星之變日月過之熒惑守日蝕星天下亂 郗

萌曰天弓主司兵弩之事其星動搖有以迷惑王者

黃帝占曰參旗星不欲明微小而直王者安天下無兵  
明而曲狀如張弓天下不寧兵大起人民憂 禮含文  
嘉曰王者制度有科物應以宜則參旗弓行宋均注曰  
弓行者參  
旗星行列紂  
曲似弓也 易緯曰旗星明振主自消諸侯亂 禮

緯曰天子至卿士旗旒中禮制度有科則參旗弓行正  
齊均平 石氏曰參旗不明吉明有白衣會一曰邊寇  
動兵起弓弩射士發 石氏曰參旗九星不欲張

玉井星占二十一

石氏曰玉井四星在參左足下

西南星入畢十二度少去極百二十度太在黃

道外五十度少也

巫咸曰玉井水官

春秋緯曰玉井主軍

敵論讖曰玉井主粥厨

黃帝占曰玉井星微小如

其故則陰陽和雨澤時五穀成天下安其星明而動搖有大水五穀不成人民大饑國不寧  
郗萌曰玉井動搖有水不出二年  
石氏讚曰玉井四星主水漿

屏星占二十二

石氏曰屏星在玉井南

北星入觜太去極百一十八度在黃道外四十六度太

春秋緯曰天屏主上疾 石氏曰天屏星不具人多疾

石氏讚曰屏星在南為屏風

廁星占二十三

石氏曰廁四星在屏東

西北星入參三度少去極一百十五度在黃道外四十四度半

郗萌曰廁星主觀天下疾病 黃帝占曰天廁星

欲黃赤黃赤而明吉蒼黑凶 石氏曰廁星不具貴人

多病一曰夭一曰陷廁 石氏曰廁星青黑主有腰下之

疾黃吉白凶黑死皆為貴人 又曰黃澤者歲熟 玉

厯曰廁星欲溫溫然明潤澤則王者無疾病出入不時  
星若微小不見人主帶病腹腸之疾若人民多疫 石  
氏讚曰廁星在東名自彰

天矢星占二十四

石氏曰天矢一星在廁南入參七度去極百二十三度在黃道外五十三度也

石氏曰天矢星主候吉凶色黃即吉青白黑凶 黃帝

占曰天矢星明萬物有命 黃帝占曰天矢星微萬物

流星不具多疾死星亡萬民大瘠 又占曰常以春秋

分候矢星明黃而潤澤則天下人民無疾病王者安其  
星不明色青黑天下人民有腰腸之病其國饑人民餓  
死 黃帝占曰天矢色黃為貴人吉青白為貴人疾黑  
貴人死期三年 石氏曰秋分候天矢星亡萬民大亂  
荊州占曰天矢星亡萬民多死 石氏讚曰矢星在  
南色欲黃

軍市星占二十五

石氏曰軍市星在參東南

西星入井三度少去極百  
十度在黃道外三十一度

石氏曰軍市十三星水官也 石氏曰軍市  
星衆則軍有餘糧星少即軍饑 巫咸曰軍市水官  
也

野雞星占二十六

石氏曰野雞一星在軍市中

入井八度去極一百一十一度在黃道外四十二度太

黃帝占曰野雞大將也主屯營軍之號令警急設備  
其星明大則主將猛士卒强其星不明主將弱兵士離  
散 石氏曰野雞安靜吉芒角凶 荆州占曰野雞野

將也主兵 又占曰野雞出市天下有兵諸侯相攻

石氏讚曰野雞一星主野邦

狼星占二十七

石氏曰狼一星在參東南

入井十三度去極百六度太  
在黃道外四十二度少也

黃帝占曰狼星一名夷將其星色欲黃白無光紫不動  
搖天下寧兵不起其星色赤而大光芒四張動搖變色  
天下亂大兵起盜賊起於道路人主不安百姓憂苦  
荊州占曰狼星秦南夷也名曰候一名天紀一曰天陵

狼者賊盜弧者天弓備盜賊也故弧射狼矢端直者狼不敢動搖則無盜賊而兵不起動搖明大多芒變色不如常胡兵大討 紀歷樞曰狼星為野將 宋均曰狼

星為羊角 鄭玄曰狼星主羊狼在於未未為羊也 巫咸曰狼

星盛兵弩貴小兵弩賤金官也 黃帝占曰狼星盛兵

弩貴小兵弩賤 元命苞曰狼星變色盜賊萌 石氏

曰狼星色赤而光明芒角長大天下兵起將軍有死者期二年 巫咸曰狼星易其處不如其故天下饑兵士

滿野其國凶荒期不出年 鄭萌曰狼星白芒百徒聚  
天下 又占曰狼星躁走為人主不靜不居其宮馳騁  
天下 荆州占曰狼星芒角多多盜賊芒角少少盜賊  
荊州占曰狼星非其故人相食 石氏讚曰狼星在  
參東南有常芒角變動為憂兵

弧星占二十八

石氏曰弧九星在狼東南西星入井十六度去極百十二度少在黃道外五十二度半  
也 石氏曰弧星者天弓也以備賊盜狼星為奸寇

弧星為司其非其矢常欲直狼則不敢動天下安寧無  
兵起若矢不直弧其不張天下多盜賊兵大起國不寧  
黃帝占曰弧星主弓矢之府以備非常其星大而齊  
明其色黃潤則四方安靜天下無兵其星色變不如其  
常天下皆兵弓矢大貴人主不安 荆州占曰弧星主  
武官弧張迎戰者不勝弧動先用兵吉後者凶 黃帝  
占曰狼旗七星屈曲者夷狄弱可攻 洛書曰狼弧張  
害及胡 尚書緯曰黑帝亡也狼弧張 春秋緯曰狼

弧張四年之後天下永亂 焦延壽傳曰天弓張天下盡  
兵主與臣相謀 郢萌曰有兵若弧星張先起兵者利  
後起兵者不利 荆州占曰弧星青黑有大憂 荆州  
占曰弧矢動搖明大多芒變色不如常者多盜賊胡兵  
起 石氏讚曰弧在東南陰謀張也

老人星占二十九

石氏曰老人星在弧南入井十九度去極百三十三度半在黃道外七十五度太

黃帝占曰老人星一名壽星色黃明大而見則主壽昌

老者康天下安寧其星微小若不見主不康老者不强  
有兵起 鄭萌曰老人南極星也立秋二十五日晨見  
丙午之間以秋分見南方春分而沒出于丙入于丁 巫咸曰老人星木官

也 春秋元命苞曰直弧比地

晉均注天官書曰比地近地也

有一大

星曰南極老人見則主安不見則兵革起常以秋分候  
之南郊以慶主令天下 春秋緯曰老人星見則治平  
主壽老人星亡則君危若世夭 春秋文耀鉤曰王者  
安靜則老人星見 春秋運斗樞曰王政和平則老人

星臨其國萬民壽 石氏曰老人星明主壽昌天下多賢士 又占曰老人星色欲黃潤王者老人吉其色青主有憂老人疾色若黑白主有老人多死各以五色占吉凶 孫氏瑞應圖曰王者承天則老人星臨其國

稷星占三十

石氏曰稷五星在七星南西星入柳十四度少去極百四十八度在黃道外六十八度少也 祖暅曰上稷農正也稷者稷也取乎百穀之長以為長也 黃帝占曰稷星主五穀豐耗其星溫溫而

明歲大熟五穀成其星不明若亡不見歲不熟天下饑  
荒人民流亡去其鄉 石氏曰稷星不見歲饑也 石  
氏讚曰稷在張南時報功

唐開元占經卷六十八

欽定四庫全書

子部

唐開元占經卷六十九

七十九

詳校官中書臣李采

靈臺郎臣倪廷梅覆勘

總校官編修臣王熙緝

校對官庶吉士臣潘曾起

謄錄監生臣鄧培善

欽定四庫全書

唐開元占經卷六十九

唐瞿曇悉達撰

甘氏中官占五

天皇大帝占一

甘氏曰天皇大帝一星在鈞陳口中 黃帝占曰天皇  
大帝名耀魄寶主天女象下出命符 河圖雒書云以  
授天子立五禮 春秋緯曰大帝紫宮不言不動搖以

斗運度推精使五帝修名號 元命苞曰帝位明達羽  
翩秀良則光大色度和同天下太平國號中央

宋均曰  
帝大帝

之精也皇 大帝之星 甘氏讚曰天皇大帝秉萬神圖

四輔星占二

甘氏曰四輔四星抱北極樞 郁萌曰四輔去君臣失  
禮輔臣有誅者 甘氏讚曰四輔機權北極樞也

華蓋星占三

甘氏曰華蓋七星杠九星凡十六度在大帝上 荆州

占曰正上柱蓋者名曰杠星次蓋大星者母也其中央  
者身也母星下二寸者妻子也若此星有變各有所主  
災也母星下有二寸有小星不當見見即有急太子不  
得代立若有異姓欲立近期一年中期二年遠期三年  
而起天下煩亂五穀大貴田宅無價 甘氏讚曰華蓋  
張光掩翳帝軒玄橑周杠搔植距趺

五帝內座占四

甘氏曰五帝內座五星在華蓋下 甘氏讚曰內座設

席

六甲星占五

甘氏曰六甲六星在華蓋杠傍 春秋緯曰六甲中為輔包羅物類為神戶六甲所以紀陽陽而紀時  
故在杠旁以布政授民 甘氏  
讚曰六甲中候出入有湏

天柱星占六

甘氏曰天柱五星在紫微宮中近東垣 甘氏讚曰天

柱立政朔望懸書天柱立政教懸圖法之所也常以朔望施禁令於柱以示百僚

柱下史占七

甘氏曰柱下史一星在北極東北 甘氏讚曰柱下史

記過密移東厨

厨書藏也

女史星占八

甘氏曰女史一星在柱下史北

女史婦人微者也主傳漏也

甘氏

讚曰女史傳漏動記時

尚書星占九

甘氏曰尚書五星在紫微宮門內東南維 甘氏讚曰

尚書納言夙夜咨謀

陰德占十

甘氏曰陰德二星在尚書西 文耀鈞曰紫微宮前列

直斗口三星隨北端銳若見若不見曰陰德為天一剛

天官書天文志並云三星或曰天一案圖薄志二星

運斗樞曰陰德主正經

春秋緯曰陰德動臣主爭伐相謀 運斗樞曰陰德浮

近臣恣庶雄謀天子咸並相謀

宋均曰浮猶見也陰德星帝微令著明也

焦延壽曰陰德星明太子伐主若有女主治天下者

赫連圖曰陰德滅聖人即紀 甘氏讚曰陰德惟惠周  
民賑撫

天牀占十一

甘氏曰天牀六星在紫微宮門外 甘氏讚曰天牀寢  
舍一本云寢室解息燕休

天理星占十二

甘氏曰天理四星在北斗魁口中 樂緯曰天理貴人  
之牢也 合誠圖曰天理主司三公 巫咸曰北斗魁

中天理主貴者水官也 援神契曰天理勅脩紀中情

甘氏讚曰天理執平首鞠魁頭

內厨星占十三

甘氏曰內厨二星在紫微宮西南角外大宮之內飲食  
厨也 甘氏讚曰內厨優宴房誦說虞

內階星占十四

甘氏曰內階六星在文昌北 合誠圖曰內階星主明

堂宋均曰階  
星內階也 甘氏讚曰內階朱戶顯寵念慮

天厨星占十五

甘氏曰天厨六星在紫微宮東北維外 甘氏讚曰天  
厨咸饌百宰若疏

策星占十六

甘氏曰策一星在王良前 巫咸曰策星天子兵馬金

官

案豫章列士傳曰周勝字叔達南昌人為侍御史桓帝當南郊平明應出勝仰觀曰主御者策星今官車

出必策馬星悉不動明必不出至四更皇子卒遂止也

郗萌曰策星主天子之僕

御 甘氏讚曰策執御右螣蛇先驅

傳舍星占十七

甘氏曰傳舍九星在華蓋上近河傍舍賓客之館舍也  
巫咸曰傳舍水官也 焦延壽曰傳舍星入紫微宮  
垣間胡人來入漢宮害上若胡兵大起 甘氏讚曰傳  
舍止客

造父星占十八

甘氏曰造父五星在傳舍南河中 郁萌曰造父一名  
西擣一名司馬星御道僕 黃帝占曰造父星移處兵

起車騎滿野馬貴 又曰造父亡馬大貴 甘氏讚曰

造父洗馬轡勒御鑣

車府星占十九

甘氏曰車府七星在天津東近河傍

車府主  
主治萬民

甘氏讚曰

車府撰銜

人星占二十

甘氏曰人星五星在車府東南

一曰臥星  
主治萬民

元命苞曰

卧星主夜行一度齊記以防淫 巫咸曰人星土官也

焦延壽曰人星不具王者有子不成而死星盡不見  
有人傳相驚以詔事若有詐偽詔者又曰婦人大亂後  
大兵起 又曰卧星立則天子明死民 甘氏讚曰人  
星優遊乃爾寧諸

內杵星占二十一

甘氏曰內杵三星在人星傍

白星占二十二

甘氏曰白四星近人星東南 論語讖曰杵白七星主

給庖 鄒萌曰杵臼主軍糧食 黃帝占曰天杵臼星  
不具民賣其釜甌去其處 鄒萌曰天臼之星衆則歲  
樂星疏則歲饑 又曰杵臼離黎民饑 陳卓曰杵臼  
星不具民失杵臼 甘氏讚曰杵臼充春主給養厨

扶筐星占二十三

甘氏曰扶筐七星在天津北 元命苞曰扶筐主藏蓋  
量入知息耗 鄒萌曰扶筐主將作事 焦延壽曰扶  
筐近織女若不正皆為天下府藏空開 甘氏讚曰扶

筐採葉翊養亥差

司命星占二十四

甘氏曰司命二星在虛北 詩緯曰司命執刑行罰  
元命苞曰司命舉過滅除不祥 甘氏曰司命繼嗣移  
正朔 郁萌曰司命主百鬼 又曰司命與輿鬼司候

司祿星占二十五

甘氏曰司祿二星在司命北 又曰司祿增年延德

司危星占二十六

甘氏曰司危二星在司祿北 又曰司危驕逸亡下

司非星占二十七

甘氏曰司非二星在司危北 又曰司非以祛多私  
甘氏讚曰四司續功桑麻襄陸

敗爪星占二十八

甘氏曰敗爪五星在匏瓜傍 甘氏讚曰敗爪熟爛遺

種畜道

河鼓左旗星占二十九

甘氏曰河鼓左旗九星在河鼓傍 甘氏讚曰左旗幽  
谷阻險隱逃

天雞星占三十

甘氏曰天雞二星在狗國北 合誠圖曰天雞主候時  
荊州占曰天雞非其故多大水不通 甘氏讚曰雞  
鳴司旦審夜察時一本云省時

羅堰星占三十一

甘氏曰羅堰三星在牽牛東 鄭萌曰羅堰主起居

甘氏讚曰羅堰紫壅激內注渠

市樓星占三十二

甘氏曰市樓六星在市中臨箕上 又曰樓星監市斗食嗇夫 合誠圖曰天樓主市賈 鄒萌曰市樓天子市府也 援神契曰市樓星動即賈殊 甘氏曰市樓星不見政亂 焦延壽曰市樓星不見兵作於市若胡人來入漢市以兵相害 鄒萌曰市樓星陽為金錢陰為珠玉星有不偹者天子幣大亂 又曰市樓星天珠

五金錢府也 欲其忽然不明明則賦斂衆 石氏曰市樓亡天下易政 甘氏讚曰律度制令遍市樓

解星占三十三

甘氏曰斛四星在市中斗南 論語識曰天斛星主量則 甘氏讚曰斗斛稱量尺寸分銖

日星占三十四

甘氏曰日一星在房中道前 甘氏讚曰日詔德令耀生飛鳥也

天乳星占三十五

甘氏曰天乳一星在氐北 甘氏讚曰天乳甘露醴酪  
充飴

亢池星占三十六

甘氏曰亢池六星在亢池北

亢舟船也 池水也

黃帝

占曰亢池一名代津一名亢星亢星巨星之兩端也亢  
池敗天下不通 焦延壽曰亢池不居亢度中則廟有  
大怪以主司日見則主命終 郁萌曰亢池主水道其

星微細則凶其壞敗宗廟 甘氏讚曰亢池不居移徙  
之家

漸臺星占三十七

甘氏曰漸臺四星屬織女東足

四方高曰臺下有水曰漸主星漏律呂之事

甘氏讚曰漸臺守漏晷吹灰

輦道星占三十八

甘氏曰輦道五星屬織女西足 甘氏讚曰輦道逍遙

優游私行

三公星占三十九

甘氏曰三公三星在北斗柄南

三公若令之太尉司徒司空也

石

氏曰三公星天子輔臣也其星欲大明黃潤澤有德令其星赤皆有兵蒼白黑有急喪 黃帝占曰三公一星去天下危二星去天下亂三星去天下不治 甘氏讚曰三公宣德奉均匡衡

周鼎星占四十

甘氏曰周鼎三星在攝提酉 春秋緯曰天鼎主流亡

宋均曰天  
鼎周鼎也

甘氏讚曰周鼎酒樽二簋金壺

帝席星占四十一

甘氏曰帝席三星在大角北 石氏曰帝席不欲明  
則大臣外其心期三年 甘氏讚曰帝席設座宴旅酢

酬

天田星占四十二

甘氏曰天田二星在右角北 甘氏讚曰天田處界縣

邑正邪

天門星占四十三

甘氏曰天門二星在左角南 甘氏讚曰天門待客應  
對無疑

平道星占四十四

甘氏曰平道二星在左右角間平道主治道之官也 甘氏讚曰

平道除道塗轍宣輸

進賢星占四十五

甘氏曰進賢一星在平道西 甘氏曰進賢卿相舉逸

命才 甘氏讚曰進賢鄉里庠序選

謁者星占四十六

甘氏曰謁者一星在左執法北主讚謁之官也

三公內座星占四十七

甘氏曰三公內座三星在謁者東北朝會宴私之所也

九卿內座星占四十八

甘氏曰九卿內座三星在三公北 甘氏讚曰三公九

卿讚謁者諸侯

內五諸侯星四十九

甘氏曰內五諸侯五星在九卿西 又曰五諸侯衛國故列在帝庭 河圖曰五諸侯主刺奸 禮緯曰辟雍之禮得穆穆皇皇和服則太微諸侯明也

太子星占五十

甘氏曰太子一星在帝座北

從官星占五十一

甘氏曰從官一星在太子西北從官侍衛之臣也 甘

氏讚曰從官常陳五署列居

幸臣占五十二

甘氏曰幸臣一星在帝座東北 甘氏讚曰太子幸臣侍座後聚

明堂星占五十三

甘氏曰明堂三星在太微西南角外 甘氏讚曰明堂顯化常盡孝慈

靈臺星占五十四

甘氏曰靈臺三星在明堂西觀候之所也 甘氏讚曰  
靈臺考符居南密微

勢星占五十五

甘氏曰勢四星在太陽守北 甘氏讚曰勢不專事相  
命御之勢者官也謂刑餘之人不可專事助宣王命而已

內平星占五十六

甘氏曰內平四星在中台南 甘氏讚曰內平近決讞

請禮書內平近執法之官有疑則準案禮律

爟星占五十七

甘氏曰爟四星在軒轅尾南柳北 巫咸曰爟土宮也

甘氏讚曰爟舉烽表遠期沉浮

爟峰火驚急以火相告日行萬里

酒旗星占五十八

甘氏曰酒旗三星在軒轅右角

酒酒官也旗旗官也

元命苞曰

酒旗主上尊大帝運樞陰陽滿陳列宿成德五星布恩  
神明和合四節並宣厯紀齊得諸靈合懼故設酒旗以  
人侑神 焦延壽曰酒旗不具天下有燕大喪以酒亡

甘氏讚曰酒旗燕會情意歡娛

天樽星占五十九

甘氏曰天樽三星在東北井 甘氏讚曰天樽愍民憐育幼孤

天樽主盛饋粥以給貧病也

諸王星占六十

甘氏曰諸王六星在五車南 元命苞曰諸王星主存亡

郗萌曰諸王主朝會 元命苞曰王星明則下附

從宋均曰不明  
下倍畔也 甘氏讚曰王星督察諸侯存亡

## 司怪星占六十一

甘氏曰司怪四星在鉞前

司怪主占候  
灾祥者也

洛書曰司怪

集得失 又曰司怪主人揆靈出微 焦延壽曰司怪星不行宮中有大怪若天下多怪物 甘氏讚曰司怪

誥咎國無災殃

## 座旗星占六十二

甘氏曰座旗九星在司怪東北 甘氏讚曰座旗旗表

別異殊居以旗表則君臣

天高星占六十三

甘氏曰天高四星在參旗西近畢 合誠圖曰天高主  
齋戒之門 焦延壽曰天高星近井鉞大臣斬不乃高  
為下下為高 甘氏讚曰天高闕遠九層望樓

礪星占六十四

甘氏曰礪石四星在五車西 甘氏讚曰礪石砥刃百  
工淬治

八穀星占六十五

甘氏曰八穀八星在五車北

八穀謂稻黍稷大麥小麥大荳小荳麻子也

巫咸曰八穀星主土官也

郗萌曰八穀主候歲

石氏曰八穀一星不具則一穀不成三星已上不具以食

為害 甘氏讚曰八穀平衡聚集王都

謂穀粟皆歸集於王都也

天讒星占六十六

甘氏曰天讒一星在卷舌中 石氏曰天讒星明大則

讒佞害民善天下二心諸侯專權誣欺 甘氏讚曰卷

舌唾水讒主天醫

積水星占六十七

甘氏曰積水一星在天船中 石氏曰積水星明則水大出船行人道必有淪邑者星動搖而行上舟船摩天

甘氏讚曰天船布罔積水僕災

積尸星占六十八

甘氏曰積尸一星在大陵中 石氏曰大陵中有朽骨故大陵中有積尸若其星明大者有大喪死人如丘山

甘氏讚曰大陵表墓積尸隨居

## 左更星占六十九

甘氏曰左更五星在婁東

左更山虞之官主川澤  
林藪竹林菜蔬之屬也

郗

萌曰左更主仁之道

黃帝曰左更星不具天下道不通

焦延壽曰左更星不動搖王者以出必道亡其動者以出吉

甘氏讚曰左更採薪蒐園採茹

## 右更星占七十

甘氏曰右更五星在婁西

右更主牧養牛馬之官也

郗萌曰右更

主禮義

黃帝占曰右更星不具天下道不通

焦延

壽曰左更不動右更獨動王者私出左右具動王者干萬官出 甘氏讚曰右更僕畜孕童犢駒也

軍南門星占七十一

甘氏曰軍南門一星在天將軍西南大將軍之南門也

甘氏讚曰軍門營壘禁攻禦暴

天潢星占七十二

甘氏曰天潢五星在五車中 合誠圖曰天潢主河梁所以渡神人通四方 禮緯曰潢星明天子壽昌萬民

無疾疫災殃 甘氏讚曰天潢濟渡漸池濯高

咸池星占七十三

甘氏曰咸池三星在天潢西北 黃帝曰咸池一名黃龍一名五潢注云天官書曰咸池星曰天五潢一名天津一名潢池一名天井一名天淵豐際太陰陰者蒼龍之舍也五帝之車也 樂叶圖曰咸池五車天闕也均宋曰五車咸 池別名也 春秋緯曰咸池天潢五帝車舍 淮南子曰咸池者水魚之囿也 郢萌曰咸池者天子名池也

合誠圖曰咸池主五穀 焦延壽曰咸池星明大則  
有龍墮死者不乃虎狼為人害若大兵起 郝萌曰咸  
池者五車中星也非其故國旱 郝萌曰咸池不足津  
河道不通 又曰五潢欲其黃澤明也 甘氏讚曰咸  
池陂澤鷗雞鴈鳥

月星占七十四

甘氏曰月一星在卯東主女主大臣之象也 甘氏讚  
曰月明刑度光生蟾蜍

天街星占七十五

甘氏曰天街二星在昴畢間近月東 巫咸曰天街水官也 春秋圖曰天街主伺候 石氏曰天街陰陽之所分中國之境界昴以西屬外國畢以東屬中國也  
后氏曰天街者日月五星出入之道也 甘氏讚曰天街保塞孔塗道衢

天阿星占七十六

甘氏曰天阿一星在昴西偏高曰阿亦曜候之處以察

山林之妖也 甘氏讚曰天阿察近岑蔚西隅

唐開元占經卷六十九

欽定四庫全書

唐開元占經卷七十

唐瞿曇悉達撰

甘氏外官

青丘星占一

甘氏曰青丘七星在軫東南

青丘南方蠻夷之國號也

荊州占曰

青丘星非常動搖大官有事 甘氏讚曰南夷蠻貊大

赫青丘

折威古二

甘氏曰折威七星在亢南

折威者  
獄卒也

石氏曰折威者天

子執法之徒也 郝萌曰折威星不居積卒間胡兵大興中國大傷邊將死 甘氏讚曰將威斷獄棄諸市都

陣車占三

甘氏讚曰陣車三星在氐南

陣車猶  
草車也

騎陣將軍占四

甘氏曰騎陣將軍一星在騎官中東端

騎陣將軍將軍  
騎將之行陣也

車騎星占五

甘氏曰車騎三星在騎官南 巫咸曰車騎金官也

甘氏讚曰陣車騎部行

糠星占六

甘氏曰糠一星在箕舌前 甘氏讚曰箕主簸揚糠給

犬猪

農丈人星占七

甘氏曰農丈人一星在南斗西南

農丈人  
老農也

郗萌曰農

丈人主歲豐耗在箕東歲大熟在箕西饑在箕南小旱  
穰在箕北大穰 甘氏讚曰先農丈人執斗與箕

狗星占八

甘氏曰狗二星在南斗魁前 荆州占曰狗星不如常  
戒禦之臣當之 甘氏讚曰狗主守內夾門伏跗

狗國星占九

荊州曰狗國四星在建星東南 黃帝曰狗國星不具  
天下有大盜 甘氏讚曰狗國鮮卑烏丸沃沮

天田星占十

甘氏曰天田九星在牽牛南 郝萌曰天田如井幹狀  
在營室南 甘氏讚曰天田本農耕器犁鉏

哭星占十一

甘氏曰哭二星在虛南

泣星占十二

甘氏曰泣二星在哭星東 甘氏讚曰哭泣悲涼墳墓

倚廬

蓋屋星占十二

甘氏曰蓋屋二星在危南主蓋治之官也 甘氏讚曰危蓋屋

室柱樑侏儒

八魁星占十四

甘氏曰八魁九星在北落東南 甘氏讚曰八魁陷穿

棧門揭翹

八魁主張捕陷穿設機也 棧覆穿也 揭翹為毒熾使人無踐也

雷電星占十五

甘氏曰雷電六星在營室西南 甘氏讚曰雷電震音

殷殷動搖

雲雨星占十六

甘氏曰雲雨四星在霹靂南 甘氏讚曰雲雨興和休

祁茂孳

興發也  
祁雨盛  
和善也  
貌孳草木  
休亦善也  
蕃茂也

霹靂星占十七

甘氏曰霹靂五星在土公西南 甘氏讚曰霹靂奮擊

捽拽拖

投也

土公星占十八

甘氏曰土公二星在東壁南 論語識曰土公主豫儲

土公吏星占十九

郗萌曰土公吏主司過度 甘氏曰土公吏二星在營室西南一曰土公司屏廄設儲

鉄鎧星占二十

甘氏曰鉄鎧五星在天倉西南 甘氏讚曰鉄鎧剗鈞

石有饒

鉄斧也 鑲椹也 主斬藁以餉牛馬  
四石為鈞言斬剗豐饒盈鈞石也

天溷星占二十一

甘氏曰天溷七星在屏南 甘氏讚曰天溷伏作杼廁

糞丘

天溷  
廁也

外屏星占二十二

甘氏曰外屏七星在奎南外屏所以障天溷也 甘氏讚曰屏蔽

擁幃安溷莫睹

天庾星占二十三

甘氏曰天庾三星在天倉東南屋積曰倉露積曰庾 甘氏讚曰

天庾積穀草茂身拊

芻藁星占二十四

甘氏曰芻藁六星在天苑西 郁萌曰芻藁一曰天積  
天積天子之藏府也 黄帝占曰天積中星盛則百庫  
之藏存中星無百庫之藏散出 郁萌曰芻藁星見芻  
藁賤不即芻藁貴 又曰天積中星繁則歲豐穰民乃  
安寧星希則貨財散出 甘氏讚曰芻藁甸服納銌揔  
輸生草曰芻禾稗曰藁故禹貢曰百里賦納總二百里  
納銌川藁曰總川穂曰銌謂甸服入之以供牛馬之  
也

天園星占二十五

甘氏曰天園十三星在天苑南 郁萌曰天園中小勾曲星明菓熟苑馬牛羊皆善 又曰天苑南牛馬櫪也其中小星櫪槽也不見者牛馬羊多死傷者 甘氏讚曰天園草實菜茹蓄儲生曰菜熟曰蓄  
茹儲卑薪也

九州殊口星占二十六

甘氏曰九州殊口九星在天節下 黃帝占曰九州殊口一名勾風 凡九星在參間常以十月十一月候若一

星不具其國凶三星已上不具兵起天下亂 巫咸曰  
九州外官也 鄒萌曰九州殊口主聚議 甘氏讚曰  
九州殊口重譯辭

九州殊口能曉方言之官九州言語不同要荒蠻夷重譯乃通也

天節星占三十七

石氏曰天節八星在畢附耳南 甘氏曰天節小而明  
節使忠直其不明若不見奉使無威敬 甘氏讚曰天  
節奉使專對無疑

天節以給使命靈威德於四海

九游星占二十八

甘氏曰九游九星在玉井西南 郁萌曰九游一名苑游在參西九星 石氏曰九游一名司曲一名天旗主司五星之過 元命苞曰九游統九州別邦 石氏曰九游光芒盛兵起 元命苞曰九游星明大則其位多大人微則小人臨州 甘氏讚曰九游威旗色盛兵興

軍井星占二十九

甘氏曰軍井四星在屏東南 荆州占曰天井如輪曲與狼星俱主水旱 甘氏讚曰軍井給水師用不竭

水府星占三十

甘氏曰水府四星在東井南 巫咸曰水府水官也  
甘氏讚曰水府隄防開道激滿

四瀆星占三十一

甘氏曰四瀆四星在東井南轅東四瀆者江河淮濟之精也 甘氏

讚曰四瀆受輸滌源注海

闕丘星占三十二

甘氏曰闕丘二星在南河南 元命苞曰闕丘主滅除

之官毀疏明恩以帝五常

宋均曰 闕丘主闕墜丘之官也 毀疏過於王歷則遷之於

禮更立近明恩 情所在諸星也

甘氏讚曰闕丘雙塾外屏采恩

闕丘門外

象魏也 天子謂之闕 諸侯謂之兩觀丘高也 塾門西高堂也 天子外屏采恩在宮門外 諸侯內屏采恩在宮門

內所以別尊卑也

### 天狗星占三十三

甘氏曰天狗七星在狼東北 元命苞曰天狗主守賊

郗萌曰天狗非其故天下有大盜 甘氏讚曰野狗

嚮吠雌雄咸嗥

文人星占三十四

石氏曰丈人二星在軍市西南

子星占三十五

甘氏曰子二星在丈人東

孫星占三十六

甘氏曰孫二星在子星東 甘氏讚曰丈人杖行子孫  
扶持

天社星占三十七

甘氏曰天社六星在弧南

昔共工子曰勾龍能平水土其精為星故祀以為社也

郗萌曰天公社者小人天公祠祀非私所事也所祠

者公社主也 甘氏讚曰老人天社理落禱祀

天紀星占三十八

甘氏曰天紀一星在外厨南

天紀主知禽獸年齒凡所烹宰不殺孕不夭幼以致繁盛故處外

厨之門也 甘氏讚曰紀別少齒胎夭不屠

外厨星占三十九

甘氏曰外厨六星在柳南

甘氏讚曰外厨烹淪雞羊

犬猪

天廟星占四十

甘氏曰天廟十四星在張南天子之祖廟也 黃帝占曰天廟

星均明則吉微細則凶 又曰星非其故有凶憂若白衣之會又曰有兵軍食不通 郁萌曰天廟星大色黃潤則吉蒼白為憂青黑蒙在宮中 荆州占曰天廟星非其故有廟殘之事吏不去則死 甘氏讚曰天廟祭祀示民不怠

東甌星占四十一

甘氏曰東甌五星在翼南

東甌縣是也謂東越也今永嘉之永寧

也謂東甌星兼主此地

甘氏讚曰康居穿骨越裳東甌

器府星占四十二

甘氏曰器府三十二星在軫南

器府樂之府

甘氏讚曰器

府掌故管絃絲竹

巫咸中外官

太尊星占一

巫咸曰太尊一星在中台北 巫咸讚曰太尊一星職比聖人

三公星占二

巫咸曰三公在北斗魁第一星西 黃帝曰三公一星去天下危二星去天下亂三星去天下不治 巫咸讚曰三公星七政齊同三公猶今三公也和陰陽齊七政也

大理星占三

巫咸曰大理二星在紫宮門左星內大理者平獄之官也巫咸讚曰大理奏事南門左阪

女御星占四

巫咸曰女御四星在鈎陳星後北女御為八十一御妻之象也巫咸讚曰女御禮儀威容步趨

天相星占五

巫咸曰天相三星在七星大星北石氏曰天相者天丞相也主服綠色文章巫咸讚曰天相爵服綠色顯

光

長垣星占六

巫咸曰長垣四星在少微西南北列 鄒萌曰長垣在  
七星北南星亦在太微西六七尺 合誠圖曰長垣主  
界域 巫咸讚曰長垣四星城邑相包

虎賁星占七

巫咸曰虎賁一星在下台南

虎賁士以虎皮為冠示威猛也

巫咸讚

曰虎賁四騎室旄頭

軍門星占八

巫咸曰軍門二星在青丘西天子六軍之門也 荆州  
占曰軍門非其故軍道不通 巫咸讚曰軍門營候虎  
尾威旗

土司空星占九

巫咸曰土司空四星在軍門南 合誠圖曰土司空主  
土城 石氏曰土司空四星近青丘司空水土司察者星  
黃潤則吉 巫咸讚曰土司空主界域族神土糞

陽門星占十

巫咸曰陽門二星在庫樓東北 巫咸讚曰陽門戌遠

劍戟楯矛

頓頑星占十一

巫咸曰頓頑二星在折威東南頓頑亦獄官也所以與  
折威相近 巫咸讚曰頓頑捕制察伺獄囚

從官星占十二

巫咸曰從官二星在房星南 巫咸讚曰從官二星主

疾病醫

天輻星占十三

巫咸曰天輻二星在房距西星天輻宰乘輿之官也

元命苞曰天輻主言祠事氣有離合設禱謝宋均曰離

合星相近

焦延壽曰天輻近尾吉遠尾天下有為害者

巫咸讚曰天輻陳駕被軒鸞旗

鍵閉星占十四

巫咸曰鍵閉一星在房東北鍵閉主鑰闥門之官

天官書鈴

北一星牽前天  
文志曰常也

荊州占曰鍵閉星明則道大昌不明

則閭亂宮門不禁津梁隔絕  
巫咸讚曰鍵閉司察心

腹口喉

罰星占十五

巫咸曰罰三星在東咸西南北列  
巫咸讚曰罰星受金罰贖市租

列肆星占十六

巫咸曰列肆二星在天市中斛西北列肆列店也販鬻

金玉珠珍故在市南 巫咸讚曰列肆貨販金玉璣珠

車肆星占十七

巫咸曰車肆二星在天市門左星內 巫咸讚曰車肆二星百賈肆區車肆者列車服之賈百品隨類區別也

帛度星占十八

帛度二星在宗星東北 巫咸讚曰帛度賣買與平者俱

屠肆星占十九

巫咸曰屠肆二星在帛度北 巫咸讚曰屠肆烹煞咸  
饌賓娛樓星監市斗食毒夫

屠宰之肆以供  
待賓客相娛樂

奚仲星占二十

巫咸曰奚仲四星如衡狀在天津北 巫咸讚曰奚仲

彌輪路軒優綺

奚仲車正也  
軒在軾  
前優綺覆軒者也

鈎星占二十一

巫咸曰鈎九星如鈎狀在造父北 禮含文嘉曰王者  
賜命諸侯皆如其德則陰陽和風雨時其九為鈎曲直

宋均曰天之九星主珍異令賜諸侯亦所以顯異之也應於主珍之星故為之曲有直者也

荊州

占曰鈎星非其故地動巫咸讚曰鈎星戒道傳路宣

輿

天桴星占二十二

巫咸曰天桴四星在河鼓左旗端南北列黃帝占曰

天桴者一名奚仲星在河鼓東天桴前近河鼓則鼓用

又曰天桴動桴鼓用石氏曰天桴星明軍鼓鳴

荊州占曰天桴星不明度數改漏刻失時巫咸讚曰

天桴應度節漏省時

天桴鼓也

謂應漏刻時節也

天鑰星占二十三

巫咸曰天鑰八星在南斗南杓第二星西

天鑰琯也

巫

咸讚曰天鑰祀記稽問莫疑

天淵星占二十四

巫咸曰天淵十星在鼈東南九坎間一名天淵一名天

海主灌溉之官 廣雅曰天淵轅路寢 巫咸讚曰天

淵灌溉盈滿淵區

齊星占二十五

齊一星在九坎東

趙星占二十六

趙二星在齊西北

鄭星占二十七

鄭一星在趙東北

越星占二十八

越一星在鄭西北

周星占二十九

周二星在越東北

秦星占三十

秦二星在周東南

代星占三十一

代二星在秦東南

晉星占三十二

晉一星在代西南

韓星占三十三

韓一星在晉北

魏星占三十四

魏一星在韓近秦星

楚星占三十五

楚一星在魏西南近鄭星

燕星占三十六

燕一星在楚東南近晉星 巫咸曰齊趙諸國應天列

宿土地九州其星有變各為其國

離瑜星占三十七

巫咸曰離瑜三星在代東南北列

離桂衣也  
瑜玉飾此婦人服也

巫

咸讚曰離瑜玩飾并見舅姑

天壘城星占三十八

巫咸曰天壘城十三星如貫索狀在哭泣南

巫咸讚

曰天壘主北夷丁零匈奴

虛梁星占三十九

巫咸曰虛梁四星在危南

虛梁國陵也非人所處故曰虛梁也

巫咸讚曰

虛梁宮室屋室謹禱

天錢星占四十

巫咸曰天錢十星在北落西北

巫咸讚曰天錢藏府

聚衆談誇

天綱星占四十一

巫咸曰天綱一星在北落西南

天綱大綯索也以張帳幔天子遊獮野次所湏

巫咸讚曰天綱武帳宮府置衛

鉄鎗星占四十二

巫咸曰鉄鎗三星在八魁西北一曰鉄錢 元命苞曰  
鉄鎗主亂行斬誅枉詐 郝萌曰星欲不明明若動皆  
為鉄鎗用又曰鉄鎗非其故兵起鉄錢用 荆州占曰  
星非其故兵將有憂 巫咸讚曰鉄鎗拒難斬伐姦謀

天廈星占四十三

巫咸曰天廈十星在東壁北近王良 合誠圖曰天廈  
官主傳舍 巫咸曰天廈星非其故有廟戒之事人主

以馬為憂否則馬疾 巫咸讚曰天廄置驛逐漏馳驚  
天廄主馬如今驛馬其行急疾與晷漏競也

天陰星占四十四

巫咸曰天陰五星在畢柄西 巫咸讚曰天陰羽獵附  
耳密謀



唐開元占經卷七十